



ԵՐՈՒՍԱՂԵՄԻ ՀԱՅՈՑ ԱՄԵՆԱՊԱՏԻՎ Տ. ԵՂԻՇԵ
ՍՐԲԱԶԱՆ ՊԱՏՐԻԱՐԷԻ ԱՅՅԵԼՈՒԹՅՈՒՆԸ
ՌՈՒՄԻՆԻԱՅԻ ԵՎ ԲՈՒԼՂԱՐԻԱՅԻ ՀԱՅ ՀԱՄԱՅՆՔՆԵՐԻՆ

Մայիսի 7-ին, չորեքշաբթի օրը, Ռումինիայի հայոց թեմի առաջնորդ Տ. Տիրայր արքեպ. Մարտիրոսյանի ու թեմական խորհրդի հրավերով, Բուխարեստ է ժամանում Երուսաղեմի հայոց ամենապատիվ Տ. Եղիշե արքազան պատրիարքը՝ ողեկցությամբ, որպես գավազանակիր, Ամմանի և շրջակայքի հայոց հոգևոր հովիվ Տ. Վահան վրդ. Թովալյանի:

Բուխարեստի օդանավակայանում արքազան պատրիարք հորը դիմավորում և բարի գալուստ է մաղթում Տ. Տիրայր արքեպ. Մարտիրոսյանը՝ շրջապատված թեմական ժողովի անդամներով և ժողովրդի մեծ բազմությամբ:

Հանուն Ռումինիայի Դեմոկրատական Հանրապետության, հայոց պատրիարքի ժամանումը ողջունում ու բարի գալուստ են մաղթում կրոնից միևնույնը և Ռումինիայի ռումին պատրիարքության բարձրաստիճան ներկայացուցիչներ:

Բուխարեստի հայոց առաջնորդարանի առաջ մեծանուն հյուրին աղ ու հացով և ծաղիկներով դիմավորում են հայկական և ռումինական տարազներ հագած հայ աղջիկներ:

Արքազան պատրիարքը «Հրաշափառ»-ով առաջնորդվում է Բուխարեստի հայոց Ա. Հրեշտակապետաց եկեղեցի, ուր նրան ողջունում և բարի գալուստ է մաղթում թեմի առաջնորդ արքազանը:

Մայիսի 8-ին, հինգշաբթի օրը, արքազան պատրիարքը այցելում է եկեղեցի և առաջնորդարանի թանգարան ու գրասենյակ: Ավելի ուշ արքազան պատրիարքը այցելում է Ռումինիայի մայրաքաղաքի տեսարժան վայրեր:

Օրվա երկրորդ կեսին Տ. Եղիշե պատրիարքը այցելում է Բուխարեստի հայոց գերեզմանատուն, ուր «Հոգւոց» է արտասանում Վեհափառ Հայրապետի հանգուց-

յալ հոր՝ Աբրահամ Պալմյանի գերեզմանի վրա:

Մայիսի 9-ին, ուրբաթ օրը, ռումինահայ թեմական խորհուրդը, ի պատիվ արքազան հոր, պաշտոնական ընդունելություն է կազմակերպում, որն անցնում է ջերմ մրջնույրտուն: Ընդունելության ժամանակ ողջույնի և բարիգալստյան ճառեր են փոխանակվում:

Արքազան պատրիարք հոր այցելությունը համընկնում է թեմի առաջնորդ Տ. Տիրայր արքեպիսկոպոսի քահանայական ձեռնադրության 25 և ծննդյան 50-ամյակի հանդիսություններին:


Տ. Տիրայր արքազանը Երուսաղեմի հայոց վանքի Ժառանգավորաց վարժարանում աշակերտել է արքազան պատրիարքին, որը սիրով ներկա է եղել այդ առթիվ Բուխարեստում և Սոֆիայում կատարվող հոբելյանական հանդիսություններին:

Մայիսի 10-ին, շաբաթ օրը, Տ. Եղիշե արքազան պատրիարքը պաշտոնական այցելություն է տալիս ռումին պատրիարքարան, ամենապատիվ Տ. Ժուստին պատրիարքին՝ ընկերակցությամբ Տ. Տիրայր արքազանի, Տ. Զարեհ ու Տ. Վահան վարդապետների:

Երկու քույր Եկեղեցիների Հովվապետների միջև տեղի է ունենում ջերմ զրույց էկումենիկ ոգով: Այս առթիվ հուշանվերներ են փոխանակվում: Ապա տրվում է ճաշկերույթ՝ ի պատիվ Երուսաղեմի Հայոց պատրիարքի:

Մայիսի 11-ին, կիրակի օրը, առավոտյան, Բուխարեստի հայոց առաջնորդարանի սրահում գումարվում է ռումինահայ պատգամավորական ժողովը, որին ներկա են լինում նաև Տ. Եղիշե պատրիարքը, ինչպես նաև ռումին կրոնից միևնույնության ներկայացուցիչը:

Ժողովի ընթացքում ռումիններեն լեզվով



ԴՈՒՄԻՆ ՊԱՏՐԻԱՐԺԱՐԱՆԻ ՄԵՋ Տ. ԺՈՒՍՏԻՆ ԵՎ Տ. ԵՂԻՇԵ
ՊԱՏՐԻԱՐԺՆԵՐԸ ՀՈՒՇԱՆՎԵՐՆԵՐ ՓՈԽԱՆԱԿԵԼԻՍ



ԲՈՒԽԱՐԵՍՏԻ ՀԱՅՈՑ Ս. ՀՐԵՇՏԱԿԱՊԵՏԱՑ ԵԿԵՂԵՑՈՒՄ Տ. ԵՂԻՇԵ
ՊԱՏՐԻԱՐԿԸ ՔԱՐՈՋԵԼԻՍ (11 ՄԱՅԻՍ 1980 Թ.)



Հոբելյար Ս. Տիրայր արքեպիսկոպոս Մարտիկյանը

ընթերցվում է Ամենայն Հայոց Հայրապետի փետրվար 28 թվակիր կոնդակը, Ս. Տիրայր սրբազանին արքության պատիվ շնորհելու մասին:

Նույն օրը Հոգեգալստյան տոն էր: Սըրբազան պատրիարքը առաջնորդվում է եկեղեցի՝ ներկա լինելու և պատարագին և ապա քարոզելու՝ շնորհավորելով Ս. Տիրայր սրբազանին նրա ծննդյան 50 և քահանայական ձեռնադրության 25-ամյակները և մանավանդ արքության պատվի ար-

ժանանալը՝ մաղթելով նրան երկար կյանք և նորանոր հաջողություններ թեմական գործունեության ճանապարհին: Այս առթիվ սրբազան պատրիարք հայրը հոբելյար սըրբազանի կուրծքը զարդարում է սաղիմական թանկագին մի պանակետով:

Նույն օրը թեմական խորհուրդը պաշտոնական ճաշկերույթ է տալիս Ս. Եղիշե պատրիարքի և Ս. Տիրայր արքեպիսկոպոսի պատվին, որին ներկա են լինում Բուխարեստում քույր եկեղեցիների և այլ կրո-



Պատգամավորական ժողովի ներկայացուցիչներ, որոնք սպասում են Տ. Եղիշե պատրիարքի ժամանման

նական դավանությունների ներկայացուցիչներ, կրոնից միմիատրության տնօրենը, ռումինահայ պատգամավորներ և այլ հյուրեր:

Մայիսի 12-ին, երկուշաբթի օրը, Բուխարեստի հայոց Ս. Հրեշտակապետաց եկեղեցում կայանում է հոգևոր համերգ, որից հետո դարձյալ առաջնորդարանում կազմակերպվում է ընդունելություն՝ շուրջ 300 հոգու համար:

Մայիսի 13—15 օրերին սրբազան պատրիարք հայրը Տ. Ժուստին պատրիարքի հրավերով այցելում է Մոլդավիայի ռումինական մի քանի վանքեր:

Սրբազան պատրիարք հայրը այցելում է նաև Մոլդավիայի հայոց հնագույն սրբավայր Սուչավայի Հաճկատար Ս. Աստվածածին և Զամբայի Ս. Օգնենտիոս եկեղեցիները:

Հաջորդ օրը սրբազան պատրիարքը այցելում է Սուչևիցա, Մոլդովիցա, Ագապիա և Վըրաթեք ռումինական կուսանոց վանքերը ու ամեն տեղ դիմավորվում զանգերի դողանջներով և եկեղեցական հանդիսավոր երգերով:

Մայիսի 15-ին ամենապատիվ սրբազան պատրիարքը պաշտոնական այցելություն է տալիս Բուխարեստում կրոնից միմիատր իրեն Ռոշիանուն:

ՍՐԲԱԶԱՆ ՊԱՏՐԻԱՐԷ ՀԱՅՐԸ ԲՈՒԼՂԱՐԻԱՅՈՒՄ

Ռումինիայում իր այցելության ավարտին Տ. Եղիշե սրբազան պատրիարքը լավագույն տպավորություններով մայիսի 16-ին, ուրբաթ օրը, հրաժեշտ է տալիս Ռումինիայի հայ համայնքին և այցելության մեկնում



ԲՈՒԽԱՐԵՍԻ ՀԱՅՈՑ Ս. ՀՐԵՇԱԿԱՂԵՏԱՅ ԵԿԵՂԵՑՈՒՄ



Տ. ՄԱՔՍԻՄ ՊԱՏՐԻԱՐԷ, Տ. ԵՂԻՇԵ ՊԱՏՐԻԱՐԷ, Տ. ՏԻՐԱՅՐ ԱՐԺԵՊԻՍԿՈՊՈՍ ԵՎ ԿՐՈՆԻՑ ՄԻՆԻՍՏՐ ՊՈՊՈՎ
(ՍՈՖԻԱ, 24 ՄԱՅԻՍ 1980 Թ.)



Տ. Եղիշե պատրիարքը և տ. Տիրայր արքեպիսկոպոսը Պաշտովոյի պատմական վանքում բուղար վանականների հետ (21 մայիս 1980)

Բուլղարիա, որպես պաշտոնական հյուրը Բուլղարիայի հայ համայնքի և բուղար Եկեղեցու ամենապատիվ Տ. Մաքսիմ պատրիարքի ու Ս. Սիմոնի: Հայոց պատրիարքին ողջեցում էր Տ. Տիրայր արքեպ. Մարտիկյանը:

Կիրակի օրը, մայիսի 18-ին, հայոց պատրիարքը ներկա է լինում Սոփիայի Ալեքսանդր Նևսկու Մայր տաճարում ս. պատարագի, որից հետո պաշտոնական այցելություն է տալիս Տ. Մաքսիմ սրբազան պատրիարքին, որը Տ. Եղիշե սրբազանին պատվում է ճաշկերույթով, որի ընթացքում ողջույնի և բարիգալստյան ճառեր են փոխանակվում:

Հաջորդ օրերին սրբազան պատրիարքը այցելում է Պոլկիվ քաղաք և մի շարք բուլղարական վանքեր:

Մայիսի 24-ին, Եղիշե պատրիարքի հովանավորությամբ և Տ. Մաքսիմ պատրիարքի ներկայությամբ, նշվում է թեմի առաջնորդ Տ. Տիրայր արքեպիսկոպոսի ծննդյան 50 և քահանայական ձեռնադրության 25-ամյակները: Այնուհետև թեմական խորհրդի կողմից տրվում է ճաշկերույթ, որին ներկա են լինում բուղար բարձրաստիճան հոգևորականներ, կրոնից մինիստր Պոպովը, որը հանուն բուղար կառավա-

րության ընթերցում է Տ. Տիրայր արքեպիսկոպոսին բուլղարական «Կիրիլ-Մեթոդ»-ի առաջին կարգի պատվանշանով պարգևատրելու հրամանը: Ապա Տ. Մաքսիմ պատրիարքը ևս Տ. Տիրայր սրբազանին պարգևատրում է «Կիրիլ-Մեթոդ» եկեղեցական շքանշանով:

Ընդունելության ավարտին Տ. Տիրայր արքեպիսկոպոսը իր շնորհակալության և երախտագիտության խոսքն է ասում Ամենայն Հայոց Տ. Տ. Վազգեն Ա Հայրապետին, Տ. Մաքսիմ և Տ. Եղիշե պատրիարքներին և բուղար բարեխնամ կառավարությանը:

Կիրակի օրը, մայիսի 25-ին, Հոգեգալստյան տոնին, Տ. Եղիշե սրբազան պատրիարքը «Հրաշափառ»-ով մուտք է գործում Սոփիայի հայոց եկեղեցի, ուր և ս. պատարագի ընթացքում Բանին կենաց քարոզով մխիթարում է հավատացյալներին:

Մի քանի օր Վառնա ծովափնյա քաղաքում հանգստանալուց հետո, Երուսաղեմի հայոց ամենապատիվ Տ. Եղիշե սրբազան պատրիարքը հրաժեշտ է տալիս Բուլղարիայի հայ համայնքին և լավագույն ու հարուստ տպավորություններով վերադառնում Երուսաղեմ՝ իր աթոռամիստը: